

武英殿聚珍版丛书

天

地

人

物

事

理

法

道

鄴

中

記

鄴中記

武英殿聚珍版原本

提要

臣等謹案鄴中記舊有二本其一本二卷見隋書
經籍志稱晉國子助教陸翽撰其一本一卷見陳
振孫書錄解題稱不知撰人名氏又稱唐志有鄴
都故事二卷肅代時馬溫撰今書多引之是以爲
肅代後人作矣今攷是書所記有北齊高歡高洋
二事上距東晉之末已一百三十四年又寒食一
條引隋杜臺卿玉燭寶典時代尤不相蒙陳氏不

以爲齣書似乎可據然唐歐陽詢藝文類聚作于
太宗貞觀時徐堅初學記作于元宗開元時所引
齣書皆一一與今本合又鄴都故事唐志雖稱肅
代時人而史通書志篇曰遠則漢有三輔典近則
隋有東都記南則有宋南徐州記晉宮闕名北則
有洛陽伽藍記鄴都故事則鄴都故事在劉知幾
之前唐志所言亦不足爲證以理推之殆齣書二
卷惟記石虎之事後人稍摭鄴都故事以補之併
爲一卷猶之神農本草郡列漢名漢氏黃圖里標

唐號輾轉附益漸失本真而要其實則一書也觀
高歡高洋二條與全書不類而與郭茂倩樂府詩
集所引鄴都故事文體相同則此二條爲後人摭
入翫書明矣不得以小小舛異盡舉而歸之唐以
後也原書久佚陶宗儀說郭所載寥寥數頁亦非
完本今以散見永樂大典者蒐羅薈粹以諸書互
證刪除重複共得七十四條排比成編仍爲一卷
以石虎諸事爲翫本書其續入諸條亦唐以前人
所紀棄之可惜則殿居卷末別以附錄名焉是書

雖篇帙無多而敘述典核頗資攷證如王維和賈
至早朝大明宮詩朝罷須裁五色詔句李頎鄭櫻
桃歌官軍女騎一千匹及百尺金梯倚銀漢句不
得此書皆無從而訓詁也六朝舊籍世遠逾稀斷
璧殘璣彌足爲寶佚而復存是亦罕覲之祕笈矣
乾隆四十一年二月恭校上

總纂官侍讀學士

臣陸錫熊

侍講學士

臣紀昀

纂修官侍

讀臣鄒奕孝

鄴中記

晉

陸

翊

撰

石季龍與皇后在觀上爲詔書五色紙著鳳口中鳳旣銜詔侍人放數百丈緋繩轆轤回轉鳳凰飛下謂之鳳詔鳳凰以木作之五色漆畫腳皆用金

鄴宮南面三門西鳳陽門高二十五丈上六層反宇向陽下開二門又安大銅鳳于其巔舉頭一丈六尺門牕

戶

案此句疑有缺字

朱柱白壁未到鄴城七八里遙望此門

案此

條見太

平御覽

鳳陽門五層樓去地三十丈安金鳳凰二頭石虎將衰

一頭飛入漳河會晴日見于水上一頭以鐵釘釘足今

存案太平寰宇記引鄴中記云魏太祖都城之內諸街有赤闕南面西頭曰鳳陽門上有鳳二枚其一飛入

漳水其一仍以鎖絆其足鄴人舊歌曰鳳陽門南天一半上有金鳳相飛喚欲去不去著鎖絆其文與此詳略

互異

石處于魏武故臺立太武殿牕戶宛轉畫作雲氣擬秦

之阿房魯之靈光流蘇梁鳥翎爲之以五色編蒲心薦

席案此條見太平寰宇記

石虎太武殿懸大綬于梁柱綴玉璧于綬

石虎太武殿西有崑華殿閣上輒開大牕皆施以絳紗

幌

案此條與下一條俱見太平御覽

石虎金華殿後有虎皇后浴室三門徘徊反宇櫨櫺隱起彤采刻鏤雕文粲麗四月八日九龍銜水浴太子之像又太武殿前溝水注浴時溝中先安銅籠疏其次用葛其次用紗相去六七步斷水又安玉盤受十斛又安銅龜飲穢水出後卻入諸公主第溝亦出建春門東又顯陽殿後皇后浴池上作石室引外溝水注之室中臨池上有石牀

石虎以胡粉和椒塗壁曰椒房

案此條見說郛

鄴城西三里桑梓苑有宮臨漳水凡此諸宮皆有夫人

侍婢又竝有苑囿養獐鹿雉兔虎數遊宴于其中

案此條與

下一條俱見

太平御覽

自襄國至鄴二百里中四十里輒一宮有一夫人侍婢數十黃門宿衛石虎下輦卽止凡所起內外大小殿臺行宮四十四所

銅爵金鳳冰井三臺皆在鄴都北城西北隅因城爲基址建安十五年銅爵臺成曹操將諸子登樓使各爲賦

陳思王植援筆立就金鳳臺初名金虎至石氏改今名
冰井臺則凌室也金虎冰井皆建安十八年建也銅爵
臺高一十丈有屋一百二十間周圍彌覆其上金虎臺
有屋百三十間冰井臺有冰室三與涼殿皆以閣道相
通三臺崇舉其高若山云至後趙石虎三臺更加崇飾
甚于魏初于銅爵臺上起五層樓閣去地三百七十尺
周圍殿屋一百二十房房中有女監女伎三臺相面各
有正殿上安御牀施蜀錦流蘇斗帳四角置金龍頭銜
五色流蘇又安金鈿屈戌屏風牀牀上細直女三十人

牀下立三十人凡此衆妓皆宴日所設又于銅爵臺穿
二井作鐵梁地道以通井號曰命子窟于井中多置財
寶飲食以悅蕃客曰聖井又作銅爵樓巔高一丈五尺
舒翼若飛南則金鳳臺有屋一百九間置金鳳于臺巔
故名北則冰井臺有屋一百四十間上有冰室室有數
井井深十五丈藏冰及石墨石墨可書又藝之難盡又
謂之石炭又有窖粟及鹽以備不虞今窖上石銘尙存
焉三臺皆甃甃相去各六十步上作閣道如浮橋連以
金屬戍畫以雲氣龍虎之勢施則三臺相通廢則中央

懸絕也

案此條見河朔訪古記

石季龍于冰井臺藏冰三伏之月以冰賜大臣

案此條見太平

御覽

西臺高六十七丈上作銅鳳牕皆銅籠疏雲母幌日之

初出乃流光照曜

案此條見藝文類聚

涼馬臺高三十尺周迴五百步後趙石虎所築建武六年虎都鄴洗馬于洹水築此臺以涼馬故以名云

趙王虎建武六年造涼馬臺在城西漳水之南虎常于

此臺簡練騎卒虎牙宿衛蛇雲騰

案此句疑有缺字

黑稍騎五

千人每月朔望閱馬于此臺乃于漳水之南張幟鳴鼓
列騎星羅虎乃登臺射髀箭一發五千騎一時奔走從
漳水之南齊走至于臺下隊督以下皆班賚虎又射一
箭騎五千又齊走于漳水之北其五千騎流散攢促若
數萬人皆以漆稍從事故以黑稍爲號季龍又嘗以女
伎一千人爲鹵簿皆著紫綸巾熟錦衫金銀鏤帶五文
織成鞞遊臺上

案此條
見說郛

石虎以五月發五百里內民萬人築華林苑垣在宮西
周環數十里羣臣或諫虎不從到八月天暴雨雪深三

尺作者凍死數千人太史奏作役非時天降此變虎誅起部尚書朱軌以塞天災

華林苑在鄴城東二里石虎使尚書張羣發近郡男女十六萬人車萬乘運土築華林苑周迴數十里又築長牆數十里張羣以燭夜作起三觀四門又鑿北城引漳水于華林園虎于園中種衆果民間有名果虎作蝦蟆車箱闊一丈深一丈四搏掘根面去一丈

案說郭引此條句下有深

一丈合土載之植之無不生

華林園中千金堤上作兩銅龍相向吐水以注天泉池

通御溝中三月三日石季龍及皇后百官臨水宴賞

二銅駝如馬形長一丈高一丈足如牛尾長三尺脊如

馬鞍在中陽門外夾道相向

案此條見太平御覽

銅鐘四枚如鐸形高二丈八尺大面廣一丈二尺小面

廣七尺或作蛟龍或作鳥獸繞其上

案此條見初學記

石虎正會于正殿南面臨軒施流蘇帳皆竊擬禮制整

法服冠通天佩玉璽元衣纁裳畫日月火龍黼黻華蟲

粉米尋改車服著遠遊冠前安金博山蟬翼丹紗裏服

大曉行禮公執珪卿執羔大夫執雁士執雉一如舊禮